



Republika e Kosovës

Republika Kosovo / Republic of Kosovo


Komuna e Rahovecit

Opština Orahovac / Municipality Rahovec



RAPORTI VJETOR I PUNËS

JANAR-DHJETOR 2021



2021

DREJTORIA PËR URBANIZËM, PLANIFIKIM DHE MBROJTJE TË MJEDISIT

Drejtorja për Urbanizëm, Planifikim dhe Mbrojtje të Mjedisit për realizimin e punëve të planifikuara bartë mbi vete detyra në sektorin e planifikimit hapësinor dhe sektorin e projekteve, duke filluar me hartimin e projekteve zhvillimore, lejeve ndërtimore si dhe realizimin e projekteve kapitale. Në bazë të detyrave dhe përgjegjësi të drejtorisë paraqesim raportin vjetor të punës për vitin 2021 sipas sektorit për Planifikim Urban dhe sektorit për Mbrojtje të Mjedisit.

Sektori i Urbanizmit dhe Planifikimit

Gjatë kësaj periudhe raportuese zyrtarët e DUPMM-së, nga sektori për Planifikim Urban janë angazhuar në lehtësimin e procedurave për aplikimin e lejeve të ndërtimit, kërkesave të qytetarëve, investorëve dhe përkrahjen e iniciativave për të pasur një planifikim urban të qëndrueshëm. Procesi i trajtimit të objekteve pa leje në Komunën e Rahovecit është duke vazhduar, janë pranuar kërkesa të shumta nga qytetarët për t'i legalizuar objektet e tyre, lëndët po shqyrtohen me kujdes, disa prej kërkesave janë futur në listën e pritjes për legalizim, pasi kështu është përcaktuar me ligjin për trajtimin e objekteve pa leje, pasi këto objekte janë të ndërtuara në tokë jo-ndërtimore apo për arsye tjera që përcaktojnë futjen në listën e pritjes, ndërkaq janë legalizuar objektet që i kanë plotësuar dhe i kanë përmbushur të gjitha kriteret për legalizim. Poashtu, bashkë me Ministrinë e Ekonomisë dhe Ambientet dhe me përkrahjen e USAID, kemi nisur procesin për legalizimin e shtëpive dhe objekteve, sipas Ligjit për Trajtimin e Ndërtimeve pa Leje. Me këtë nismë do të trajtohen të gjitha objektet që janë ndërtuar apo kanë nisur të ndërtohen deri më 5 shtator, 2018 kur ligji ka hyrë në fuqi. Do të legalizohen shtëpitë e banimit, por edhe të gjitha objektet tjera që hyjnë në kategori të veçanta.

Sektori i Mjedisit

Në kuadër të sektorit të mjedisit shqyrtohen kërkesat nga qytetarët për Leje Mjedisore Komunale si dhe kryhen aktivitete të tjera rreth mbrojtjes së mjedisit. Gjatë periudhës janar – dhjetor, në këtë sektor janë lëshuar - Leje Mjedisore Komunale dhe janë realizuar të hyra.

Kanë përfunduar debatet publike për prezantimin e draftit të parë të Hartës Zonale të Komunës së Rahovecit, që përbën një hap të rëndësishëm për planifikimin dhe rregullimin e kushteve për zhvillim hapësinor. Përmes zonimit do të mundësohet që komuna të rregullojë shfrytëzimin dhe zhvillimin e tokës për tërë territorin e komunës sonë. Kjo nënkupton rregullimin e resurseve dhe mjedisit, infrastrukturës dhe shërbimeve përcjellëse, me synim të sigurimit të zhvillimit hapësinor, fizik, ekonomik, social dhe mjedisor,

shëndetit, si dhe mirëqenies së komuniteteve në pjesë urbane dhe rurale. Në mënyrë që dokumenti i HZK-se të jetë i qasshëm për të gjithë qytetarët e komunës, pjesa tekstuale dhe hartografike ka qëndruar i ekspozuar në uebfaqen zyrtare të komunës së Rahovecit. Në të njëjtën kohë janë mbajtur edhe 7 takime në bashkësitë lokale, duke ju sqaruar më detajisht të gjithë banorëve të atyre vendbanimeve përmbajtjen dhe rëndësinë e HZK-së.

Ecuria e realizimit të projekteve kapitale

- Ka përfunduar rregullimi i shtratit të përroskës në Opterushë, një projekt i nisur në shtatorin e vitit të kaluar dhe i bashkëfinancuar nga Komuna e Rahovecit dhe MAPL, si nevojë infrastrukturore e fshatit për të evituar vërshimet e shpeshta që shkaktoheshin kur kishte të reshura të dendura;
- Pas përfundimit të punimeve në Opterushë, jemi afër përfundimit të punimeve në përroskën e fshatit Pataqan të Poshtëm;
- Në Malësi të Vogël po vazhdon puna për trajtimin e përroskave në këtë fshat, në total 3 kilometra. Me këtë projekt synohet evitimi i përmytjeve nga të reshurat e shumta, që jo rrallëherë u kanë kushtuar shumë banorëve të fshatit, si në sektorin e bujqësisë ashtu edhe në sektorin e amvisërisë;
- Në Ditën e Çlirimit të Rahovecit, përuruar shtatorin e heronjve të kombit Bedrush dhe Feim Gashi, të cilët ranë në luftën për lirinë e Kosovës.
- Me rastin e ditëlindjes së veprimtarit dhe mendimtarit të shquar shqiptar nga Krusha e Rahovecit, kemi vënë gurthemelin e Kompleksit Muzeor “Ukshin Hoti”, pranë shtëpisë muze të Ukshin Hotit. Projekti i kompleksit muzeor është dizajnuar dhe planifikuar të mos e pengojë fizikisht e as konceptualisht shtëpinë muze, përkundrazi e plotëson dhe e bën më të qartë fotografinë e personalitetit të Ukshin Hotit.
- Ndërtimi i parqeve në komunën e Rahovecit po vazhdon në: Xërxë, Pataqan i Epërm, Drenoc, Kramovik, Guri i Kuq, Çifllak, Brestoc, së shpejti edhe në Krushë e Madhe, parkingje në Ratkoc;
- Ka përfunduar projekti: Ndërtimi i kullës prej guri për heronjtë Xhelal Hajda – Toni dhe Selajdin Mullabazi– Mici dhe bashkëluftëtarëve të tyre nga Vushtrria, te vendi i rënies mbi fshatin Operushë, është bërë edhe përirimi;
- Drunjtë dekorativ janë mbjellur në: Qytetin e Rahovecit, në hyrje-dalje të Rahovecit, në Drenoc, Polluzhë, Kramovik, Guri i Kuq, Mrasor, Çifllak, Dejnë, Ratkoc, Malësi e Vogël, Gexhë, Xërxë, Fortesë, Krushë e Madhe, Hoçë e Vogël, Brestoc, Opterushë, Zaqisht, Pataqan të Poshtëm dhe Sapniq. Ata drunjtë që kanë dështuar, do të zëvendësohen;
- Komuna e Rahovecit momentalisht është duke investuar në trajtimin e shtretërve të lumenjeve në Krushë të Madhe, i financuar nga Komuna. Në fshatrat Hoçë e Madhe, Brestoc, Hoçë e Vogel dhe Nagac, financuar nga Ministria e Ekonomisë dhe Ambientit. Probleme me shtretër të përroskave kemi në fshatrat Dejnë, Ratkoc, Celinë, Sapniq, Gexhë, një përroskë e vogël në Brestoc, pjesën e poshtë të lumit Duhlllo në Rahovec e përroska tjera të vogla, të cilat do t'i trajtojmë me një kontratë tjetër;

RAPORTI VJETOR I PUNËS

- Po trajtohen të gjitha lapidaret, vendrëniet e dëshmorëve, pllakat përkujtimore, plato të shtatoreve të heronjëve dhe busteve të dëshmorëve;
- Po rinovohen komplet varrezat e martirëve ne Celinë, financuar nga Komuna e Rahovecit;
- Kanë përfunduar punimet në projektin e rregullimit të rrugëve me gurë ne pjesën e vjetër të Qytetit;
- Ndërtimi i Kompleksit Memorial në fshatin Retijë – Punimet janë duke vazhduar;
- Ndërtimi i shtratit të përroit në lagjen Kelmendi në Kramovik – Punimet janë duke vazhduar;
- Rregullimi i varrezave të dëshmorëve, martirëve dhe civilëve - Punimet janë duke vazhduar;
- Ndërtimi i Sheshit Qendror të Qytetit – Jemi në proces të lidhjes së kontratës;
- Vazhdimi i rregullimit të lumit Rimnik në Fortesë - Punimet janë duke vazhduar.

Drejtori Drejtorisë për Urbanizëm, Planifikim dhe Mbrotje të Mjedisit

Rumir Zhuniqi

